

## Heimatplanet

Hesch' dü diä Bilder g'seh vum yyserem Heimatplanet  
Dem prächtigä Juwel wo so schwäärelos schwebt.  
Hellbläu lyychtend im dunklä Wältall  
Rotiärt der Ärdäball im fryyä Fall.

Wer chat' bloss aahnä wiä vill äs het brüücht  
Bis alles g'schtummä het dass Läbä hiä schnüüft.  
Unvorstellbar fir d'r begränztä Verstand  
Hiä wirkt sit Ewigkeit ä unbegränzti Hand.

Ä Liäbeserkläärig a der Heimatplanet  
Tiäf beriährt isch jedes Äug' wo g'seht.  
Im Garten Eden sind miär hiä yyquartiärt  
Hend' Gaschträcht numä – churz offeriärt.

Genäui wiä wenn miär bi epperem z' Gascht derfed syy  
Isch'äs sälbschtvertständlich – s' brüücht Sorgfalt d'rbyy.  
Miär chend voll g'niässä diä Gaschtfrindschaft  
Ohni äm' Gaschtgäber jeh' fallä zur Lascht.

So äui fir d' Ärdä – diä ganzi Natüür.  
Miär trääged d'Verantwortig fir jedi Spüür.  
Chend säijä - ärntä – yys fryy beweegä.  
Doch brüücht's ä Achtsamkeit i' jedem Beschtreebä.

Ä Liäbeserkläärig a der Heimatplanet  
Tiäf beriährt isch jedes Äug' wo g'seht.  
Im Garten Eden sind miär hiä yyquartiärt.  
Hend Gaschträcht numä – churz offeriärt.